



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,
ordinis Prædicatorum, ac hæreticæ prauitatis Inquisitoris**

Fumo, Bartolomeo

Antverpiae, 1570

Proditio.

urn:nbn:de:hbz:466:1-30427

sive sint vnus generis, siue diuersi, vt vnus testis cum infamia, iuxta not. in c. primo. de appella. Idem dic de alijs presumptionibus, & adminiculis cū vno teste de visu, & pluribus de credulitate probant: secus quando tendunt ad diuersa.

⁵ **APODISI**, siue chirographum scriptum inter presentes coram testibus, cum subscriptione partium, & testium, etiam sine die, & anno, fidem facit secundum Pan. c. 2. de fid. instru. aliter non. Quid autem requiratur ad scripturam authenticam, & publicam, vide Tab. ibi. §. 3.

⁶ **LIT** rationū alicuius boni mercatoris secundum Panor. in d. c. 2. faciūt bonam presumptionem, & cum alijs adminiculis probant contra tertium: probant tamen pro scribente in his, quæ dependent à sua voluntate: In huiusmodi autem credo, quod sit respiciendum ad consuetudinem, & statuta diuersorū locorum: Multum enim faciunt consuetudines locorum, & statuta.

⁷ **IN** criminibus non proceditur per verisimiles presumptiones, sed debent esse luce clariores ad condemnationem. l. sciant eunēti. C. de proba. sed solum per violentas: nisi in crimine simonia. c. si de simo. & in crimine hæresis, de hæret. c. cum contumacia. in 6. & C. de hæret. l. 1. Equiuoca. vt datio annuli, quæ plura potest significare, non probant vnum determinatē.

PROCVRATOR.

² **PROCVRATORVM** peccata vide suprà. Aduocati. quia quasi eodem modo delinquant. Procuratorū quidam sunt iudicia, quidā ad negotia, & quia hoc ad exterius forum pertinet, vide si vis iuram. de procur. quomodo instituātur, quales esse debeant, & ad quas causas, & actiones admitti queant.

² **PROCVRATOR** est idoneus ad contrahendum matrimonium pro alio, si habeat speciale mandatum: aliās non, etiam si haberet cum clausula, vt posset omnia alia, &c. & cū expressio-

ne vnus quod requirit speciale mandatum secundum gl. in c. si. de procu. ver. speciale in 6. infra, vicarius. §. 9. Similiter non aliter tractat causam matrimonialem: & talis non substituit, nisi de hoc speciale habeat mandatum, & si fuerit vetitus, vel reuocatus, etiam si iurasset nō reuocare. si cōtrahat post non tenet contractus, etiā quod ignoret reuocationē: hoc enim est speciale in matrimonio carnali. c. si. eod. in 6. Secus in spiritali matrimonio, ad prælatum scilicet eligendum.

³ **NON** omnes casus per procuratores explicari possunt, vt penitentia. c. quem penitet. de pec. di. 1. Responso adulti quando baptizatur. cap. pro paruulis. de conse. dist. 4. & susceptio cuiuslibet sacramenti, & omnis actus expressē exceptus à iure. Alij autem explicati possunt in 6. de reg. iur. cap. potest quis. Exciipiuntur aliqui casus, in c. qui ad agendum. iuncta glo. in 6. de procur.

⁴ **SI** procurator vadens pro facto domini spoliatur à latronibus vel huiusmodi, non tenebitur dominus ipsum de hoc damno releuare, quia hæc sunt extrinseca à mandato, & imputanda casui fortuito, sed solū expensas quas fecit eundo, redeundo, & stando pro causa: etiā si à principio nihil dictum esset de expensis, & etiā quantumque assumpserit voluntariē mandatū, restituet. Si autem principaliter staret pro proprijs negotijs, non posset petere, nisi quantum expendit pro causa.

⁵ **ADMINISTRATOR** ecclesiæ, licet non sit dominus, vt in c. 2. de dona. potest tamen instituere procuratorem. c. petitio. de procura. intelligit de procuratore largē, id est, syndico, & actore, vt limitat Pan. in c. edoceri. de reser. Et est quasi idem iudiciū de aduocato, & procuratore, vt Tab. dicit, ver. procurator. §. 7.

PROBITIO.

¹ **PROBITIO** quæ est deceptio cōtra fidem datam, peccatum est, cū filia auaritiæ esse dicatur. suprà. Auaritia. §. 4. Et tanto grauius, quanto maior iactura sequens fuerit.

PRODIGALITAS.

3 D A N S operam occulte, vt castrum quod Plato iniuste detinet, reuertatur ad Titium verum dominū, principaliter zelo iustitiæ, nō peccat, quia quilibet debet proximum iuuare, & in persona, & in rebus, & hoc quando credit, quod verus dominus aliter nō poterit habere, & quod ex hoc non sequetur mors, neq; scandalum quod raro euenit: ideo hoc non est alicui consulendum, neque prædicandum. Si verò ex odio, vel alio malo fine fieret, peccatum esset, & mortale: argu. ea. fertur. 1. q. 1. non tamen teneretur restituere, quia rem alienam non tulit, licet in modo auferendi deliquerit.

3 N O N licet alicui priuatæ personæ proditoriè occidere veneno, vel huiusmodi, hostem capitalem alicuius domini, vel ciuitatis, neq; ad hoc priuatum inducere, licet quis possit peccato priuati, parati ad hoc vti, vt dicit Arch. Flo. secunda par. ti. 1. c. 22. §. 8. & infra, tyrannus. §. 1. Videtur tamen Archie. ibi non firmare pedem, cum dicat sic a peritis audiuisse. Ego autem dico quempiam peccato alterius parati, vti non posse, quando talis actus nō nisi cum peccato fieri potest, sicut est maleficium, quod semper cum peccato fit: secus de mutuo, quod sine usura fieri potest. Concord. Caie. ver. maleficium.

PRODIGALITAS.

P Rodigalitas vitium est, quo quis superflue, & sine necessitate erogat bona sua contra virtutem liberalitatis. Si autem sit pura, & non alteri peccato admixta, peccatum veniale est, quia non est contra charitatem sed præter. secundum Caetan. ibi in summa. Si autem impietati, vel adulterio, vel alteri mortali peccato fuerit iuncta, erit mortalis, sicut si pater prodigè expendens bona, filios in miseria relinquit, Hoc enim ad impietatem vergit, & propterea mortalis efficitur prodigalitas: & sic de alijs iudicabis, quando mortali agitur appetitu: secus si veniali.

PROXENETA.

PROFESSIO.

P R O F E S S I O expressa de necessitate quinq; requirit. Primò, quod profites compleuerit annū 14. in masculo, & 12. in femina. c. 1. de reg. lib. 6. aliter fit in infulis, supra Nouitius. §. 2. & 8. Secundo, quod professio fiat ei, qui potest religioni incorporare, vel de eius licentia, vel nomine, quia sic posset habere ratum: aliter nō posset ratum habere. Tertiò, quod fiat religioni approbatæ, c. vnic. de voto. in 6. Quartò, quod prælatus requirat concilium, capituli. Quintò, quod fiat de tribus votis. Si enim deduceret in pactum, quod non intenderet de vno aliquo voto se obligare, licet de alijs non esset professus: secus si non deducit in pactum, & promittat seruare seruanda, & c. quia intelligitur de omnibus. supra, Nouitius. §. 5.

2 M A S C U L V S siue femina profetēs in manibus alicuius religiosi religionē, efficiuntur religiosi, licet non ingrediantur monasterium, sed in domo sua remaneant, secundum Pan. in c. insinuāte, qui cler. vel vo. etiā quod non recipiant habitum, dummodò sint expressè professi: ex quibus colligitur, quod habitus nō est de substantia religionis. Ad hoc facit cap. porre. cū. de regul. & Inn. in d. c. insinuāte.

PROXENETA.

P R O X E N E T A, qui mediator existit inter negotiateres, quādo vititur fraude, & mendacijs inter eos (vt facere solent) non solum mortaliter peccat, sed etiam restituere tenetur, si quid sibi applicat ultra suam mercedē: vt cū dicit venditori, quod non inueniuntur nisi decem, & emptori quod nō potest habere, nisi pro vndecim, & illud vnum tenet pro se, vel quādo accipit ab vno aliquid muneris, & defraudat alterū infr. vsuta. §. 39. & 40. vide aliquid.

PRUDENTIA.

P R U D E N T I A carnis, qua aliquis habet pro vltimo fine vitæ suę bona corporis, secundū Th. 2. 2. q. 55. a. 1. & 2. manifestè mortale peccatum est, quia per hoc Dei inimicus constituitur. Rom. 8. Prudentia carnis inimica est Deo